

قَول أو إعمل

اللي مسمعش عن اللعبة دي قبل كده
فا دي لعبة من صناع لعبة ”قول أميم“ و اللي فكرنا فيها ان احنا نكمل سلسلة
الضحك و الهزار اللي بدأها
بس المرة دي قررنا ان الناس تساعدنا فيها و يكونوا هما كمان من فريق صناع
اللعبة و ده عشان احنا مؤمنين ان الافيه ده من صناعتكوا انتوا

و عشان كده هتلاقوا كل الكروت مكتوب فيها
Instagram Usernames
دول بتوع الناس اللي ساعدونا ... فمن هنا حابين نشركوا و نقولكوا من غيركوا
ماكانش طلعتنا اللعبة دي

كمان اللعبة دي هتلاقوا منها نسختين نسخة بالعربي و نسخة فرانكو و ده
عشان أما أخذنا رأي الناس نص كان عايز عربي و النص الثاني فرانكو


اللعبة عبارة عن ايه؟


مبدأياً كده كل واحد هيختار لون قشاط  اللي هيمشي بيه طريقه لحد ما يخلص ال 30 خطوة 
كله بيوقف عند نقطة البداية 

و الأصغر سنًا هو اللي بيبدأ ... التحيز للأصغر 

خلاص جاهزين نبدأ؟


نقطة البداية هي الفرصة الوحيدة اللي هيكون عندك حرية الاختيار تبدأ بكارت من الكروت الحمرا أو الزرقا .. غير كده كل خطوة عليها لون الكارت اللي لازم تلتزم بيه

الزرقا كروت اسئلة 

الحمرا كروت أحكام 

في الحالتين لازم يا تجاوب السؤال يا تنفذ الحُكم

كل كارت هيكون فيه اختيارين هتتخذ واحد فيهم ... كل سؤال/حُكم بيمشيك عدد خطوات مُعين من خطوة لأربع خطوات الأصعب خطواته أكثر فا أنت و شطارتك بقى

بيرمز لعدد الخطوات 

بس لو ما جاوبتش أو ما نفذتش الحُكم هتضطر ترجع خطوة

في نص الطريق هيقابلك 6 محطات منها الحلو اللي هيساعدك و منها اللي

هيعطلك بس انتوا و شطارتكوا بقى!!